

## Atraksionet turistike në Komunën e Gjakovës

Nr.	Emërtimi	Përshkrimi i atraksionit	Kategoria	Adresa	Komuna
1	Çarshia e Madhe	U ndërtua atëherë kur Gjakova fitoi statusin e qytetit më 1594/1595. Paraqet njërin nga komplekset monumentale më të mëdha jo vetëm në Kosovë, por edhe jashtë saj. Sipërfaqja e gjithëmbarshme e saj është 34 000m <sup>2</sup> . Ajo ishte vatër e zhvillimit ekonomik-shoqëror dhe kulturor të rajonit të Gjakovës. Çarshia e Madhe kishte një numër dyqanesh në të cilën u zhvilluan thujse të gjitha zëjet e mundshme, si ato të metalpunuesve, lëkurëpunuesve, të përpunuesve të tekstilit, të kazanxhinjëve, samarxhinjëve, qeleshëxhinjëve, cergaxhinjëve, etj. Në pikëpamje urbanistike, çarshia paraqet një shembull të gjallë të planit urbanistik oriental me elemente të pasura arkitektonike.	Atraksion kulturor	Çarshia e Madhe	Gjakovë
2	Ura e Terzive	Kjo urë u ndërtua në vitin 1730 me material guri nga Esnafi i Terzive në Gjakovë dhe ndërtimi i saj zgjati 10 vjet. Ura ka një gjatësi prej 192.8m dhe gjërësi prej 5.1m, përbëhet nga 11 harqe dhe 10 dritare shkarkuese (qemere). Shërbente për të lidhur qytetin e Gjakovës me atë të Prizrenit. Këto janë dëshmi të gjalla që tregojnë një zhvillim të gjithanshëm dhe një forcë ekonomike gjakovare, e cila ishte në gjendje të financojë edhe objekte të tilla kolosale.	Atraksion kulturor	Fshati Bishtazhin, Rruga Gjakove - Prizren	Gjakovë
3	Ura e Tabakut	Është urë guri e ndërtuar nga esnafi i Tabakëve të Gjakovës në vitin 1790. Ka një gjatësi prej 127m, gjërësi prej 4.03m dhe përbëhet nga 7 harqe. Duke u mbështetur në ornamentet e gdhendura në ballinat e urës, konstatojmë se ura ka vlera historike, sociologjike, artistike, urbanistike dhe kulturore. Shërbente për të lidhur qytetin e Gjakovës me atë të Shkodrës.	Atraksion kulturor	Gjakovë	Gjakovë
4	Muzeu Etnografik	Ky kompleks u fillimisht u ndërtua në vitin 1810 nga Familja Sina, ku nga viti 1918 kaloi në pronësi të Haxhi Osman Boshnjakut, ku më pas me vendim të Kuvendit Komunal u shëndërrua në Muze Etnografik. Është objekt dykatësh me tavanë të zbukuruar me drugdhendje, qe paraqet shtipinë tipike popullore gjakovare. Në këtë muze janë të ekspozuara një numër i madh i ekspozateve.	Atraksion kulturor	Gjakovë-qender	Gjakovë
5	Muzeu Historik (Kulla Abdullah Pashë Drenit)	Kulla e Abdullah Pashë Drenit e cila gjendet në hyrje të Çarshisë së Madhe supozohet të jetë ndërtuar në vitin 1790 dhe ka shërbyer si shtëpi banimi dhe fortifikatë, këtë e dëshmon edhe numri i madh i frengjive në të tre katet e kullës. Në këtë kullë është i vendosur Muzeu Historik – Dega e Lidhjes Shqiptare në Gjakovë	Atraksion kulturor	Çarshia e Madhe	Gjakovë
6	Kulla e Sahatit	Objekti është ndërtuar në shek.XIX dhe gjendet në bërthamën e “Çarshisë së Madhe”, saktësisht në vendin e quajtur “Fusha e Sahatit”. Kulla e Sahatit u dogj me 1912 nga ushtria Malazeze, me ç’rast edhe mekanizmi i orës është hequr dhe bartur në Mal të Zi. Sot ekziston Kulla e re e Sahatit e rindërtuar në afërsi të themeleve ekzistuese, me një lartësi prej 30 m dhe gjërësi prej 4.10 x 4.10m .	Atraksion kulturor	Çarshia e Madhe	Gjakovë
7	Xhamia e Hadumit	Xhamia e Hadumit e ndërtuar më 1594/95 nga Sylejman Hadim Aga, është qendër kulturore, arsimore, fetare dhe simbol i qytetit të Gjakovës, me të cilin lidhet edhe fillimi jetës qytetare në të. Kjo xhami e ndërtuar nga guri konsiderohet si monument i veçantë i kulturës në të gjitha trojet shqiptare. Enterierët janë të zbukuruar me arabeska, me pikturë murale, me peisazhe të stilizuara, në disa raste me motive të arkitekturës popullore, natyra të qeta, ornamente bimore, figura gjeometrike, citate të Kuranit, etj. Si pjesë përbërëse e kompleksit të Xhamisë së Hadumit është edhe biblioteka e madhe, një ndër më të vjetrat në Kosovë	Atraksion kulturor	Çarshia e Madhe	Gjakovë

8	Kisha katolike e Shën Antonit (Shën Ndout)	Kisha e parë ishte ndërtuar në vitin 1882 dhe quhej Kisha e Patër Milës, por që u shkatërrua më vonë. Në vitin 1931 në të njëjtin vend, Patër Lorenc Mazreku e ndërtoi kishën e sotme që quhet Kisha e Shën Antonit të Padovës ose Kisha e Shën Ndout. Kjo kishë u renovua disa herë, gjithmonë duke i'u përmbajtur konceptit arkitekturor duke përfshirë këtu edhe konaqet, zyrat dhe nyjat sanitare.	Atraksion kulturor	Gjakovë	Gjakovë
9	Teqja e Sheh Eminit	Teqja është ndërtuar në shek. XVII nga Shejh Emini, dhe i përket sektit SADI. Karakteristikë e teqesë është ndërtimi me teknikë tradicionale. Themelet dhe përdhesa janë nga guri i gdhendur, kati me qerpiqë, kupola dhe kulmi janë nga druri, ka zbukurime në mure dhe tavan.	Atraksion kulturor	Çarshia e Madhe	Gjakovë
10	Hani i Haraçisë	Hani i Vjetër supozohet të jetë ndërtuar menjëherë pas ndërtimit të Xhamisë së Hadumit, ndërsa Hani i Ri është ndërtuar në vitin 1901. Sot Hani shërben si objekt hotelier dhe për organizime të ndryshme. Ka një kopsht mahnitës me gurë kalldremit, shërben ushqim të shkëlqyer tradicional me shije të rrallë dhe me çmime të ulëta!	Atraksion kulturor	Çarshia e Madhe	Gjakovë
11	Kodra e Çabratit	Është simboli i qytetit të Gjakovës që gjendet në pjesën perëndimore të saj. Ka një hapësirë atraktive për piknik, bare dhe restorante për tu relaksuar nga ku mund të shihet i tërë qyteti.	Atraksion natyror	Çabrat	Gjakovë
12	Parku i Mbrojtur Shkugëza	Ndodhet në largësi prej 3km nga qendra e qytetit. Shkugëza ka natyrë të bukur, ku kryesisht dominon pisha, ajër të pastër dhe mund të vizitohet në çdo stinë të vitit. Në brendi të parkut janë gjithsej 4 km shtigje për ecje, dy liqene artificiale të vogla dhe disa restorante për relaksim që e bëjnë këtë pjesë edhe më atraktive për t'u vizituar. Shfrytëzohet për vrapim, ecje të lirë, çiklizëm, etj.	Atraksion natyror	Shkugez	Gjakovë
13	Liqeni i Radoniqit	Liqeni i dytë më i madhë në Kosovë me sipërfaqe prej 5.62 km <sup>2</sup> . Është burim i furnizimit me ujë të pijshëm për banorët e qytetit të Gjakovës, Rahovecit dhe fshatrave përreth. Shfrytëzohet gjithashtu edhe për ujitje të tokave bujqësore.	Atraksion natyror	Gjakovë	Gjakovë
14	Lumi Krena	Lumi Krena rrjedh përgjatë "Kodrës së Çabratit", përmes qytetit të vjetër dhe qendrës së qytetit dhe derdhet në lumin Erenik. Në të dy anët e Lumit Krena shtrihet shëtitoret për ecje dhe çiklizëm duke u mundësuar kalimtarëve t'a shijojnë për së afërmi bukurinë dhe ndijesinë që të ofron lumi	Atraksion natyror	Gjakovë	Gjakovë
15	Lumi Erenik	Është lum fushor pasi që kalon në pjesë të ulëta me lartësi mbi detare prej 300-500 m. Ky lum buron nga liqeni i akullnajave të Gjeravicës, kalon nëpër Gjakovë dhe derdhet në lumin Drini i Bardhë	Atraksion natyror	Gjakovë	Gjakovë
16	Lumi Drini i Bardhë (Kanioni dhe Ura e Fshajtë)	Ky lum buron në malin Zhleb të Pejës, afër fshatit Radave dhe ka gjatësi prej 175 km. Në rrugën Gjakovë-Prizren mund të vizitohet Ura e Fshajte e gjatë 37m, e gjerë 7m dhe e lartë 18.5m. Afër urës gjendet Kanioni i Drinit të Bardhë, ku përgjatë tij shtrihet shegu për ecje me 4 ballkone panoramike që e bëjnë lehtë të vizitueshëm. Në "Urën e Fshenjtit" mbahen garat vjetore të kërcimit nga ura.	Atraksion natyror	Fshaj	Gjakovë
17	Shpellat e Kusarit	Shpellat e Kusarit gjenden rreth 9 km larg qytetit të Gjakovës, në anën e djathtë të rrugës Kusar-Goden. Në këtë hapësirë ndodhen dy ambiente Shpellore, të cilat janë të thelluara në shkëmb, të mbushura me shtresa dheu të përziera me gurë dhe blozë. Në këto shpella janë gjetur fragmente të enëve të parahistorikut, fragmente tullash të antikitetit të hershëm, që dëshmon që shpellat kanë qenë të banuara në epokën e eneolitikut.	Atraksion natyror	Kusar	Gjakovë

18	Maja e Kunorës	Maja e Kunorës është maja më e gjatë në Komunën e Gjakovës me lartësi prej 1509 metra. Rruga mbërrin deri tek livadhi rrëzë majës, dhe prej aty mund të vizitohet edhe shpella e Qirave përmes shtegut për ecje. Komuna e Gjakovës synon që këtë pjesë ta shëndërrojë në zonë turistike, të rekreacionit dhe sporteve tjera malore.	Atraksion natyror	Goden	Gjakovë
----	----------------	---	-------------------	-------	---------